



Inatsisartunut Ilaasortaq, Henrik Fleischer, Siumut  
/Maani

### § 37 apeqqummut akissut nr. 16 / 2019

Dato: 23-01-2019  
Sagsnummer: 2019 - 1040  
Akt nr.: 9806373

Inatsisartut suleriaasianni § 37 imm. 1 naapertorlugu Naalakkersuisunut Kalaallit Nunaata Kitaani avataasiorluni qaleralinniarnermi agguasarnernut tunngassuteqartunik apeqquteqarputit. Apeqquteqaatitit uanga akissussaaffimma ataaniimmata akissuteqarfigaakka.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Siullermik qujanaq apeqqutinnut, tamakkiisumik akiniarsarissavakka.

#### Apeqqut 1.

Sooruna Naalakkersuisut namminneq siunniussatik qimallugit matumani aalajangersaasut?

#### Akissut:

Aalisarnermi Inatsimmi § 10 naapertorlugu Kalaallit Nunaanni aalisarnermi pisuussutit iluaqutigineqarnerini aqutsinermi Naalakkersuisut naleqqussaasinnaatitaapput. Taamatut suliaqarnermi aalisarnerup qulakkeerneqarnissaa aamalu imaani nunamilu suliffissaqartitsinermi apeqqutit arlalissuit isummerfigineqartussaasarput. Taamaasilluni naalakkersuisooqatigiinnermi isumaqatigiissutit anguniarneqarnissaat pisassanik agguasarnerni aammalu tulaassisussaataitanernut aalajangersakkat kisiisa aallaavigineqarneq ajorput.

#### Apeqqut 2.

Naalakkersuisut ilisimatitsissutigisinnaanerpaat suliffeqarfiit aalisartitseqatigiinnik allanik suliffissaqartitsiniarnermi pitsanngorsaavigineqartariaqarsinnaasunik pisassiissutinut pineqartut ilaannut qinnuteqartoqaraluarsimanersoq?

#### Akissut:

Aalisarnermi peqataasut allat namminerlu nunami nioqqutissiorfinnik peqartut avataasiorluni qaleralinnik aalisarnissamat qinnuteqarput. Peqataasut sisamaapput, Royal Greenland ilanngullugu tulaassassanik aammalu nunami nioqqutissiornissami atugassanik pisassinneqarnissamik qinnuteqaateqarfigaat.

#### Apeqqut 3.

Immikkut ittumik pissutissaqartoqarpa pisassiissutit pineqartut Namminersorlutik Oqartussat piginneqatigiiffiannut tunniunneqarmata?

#### Akissut:

Royal Greenland A/S-ip qinnutigaa qaleraliinik aalisarnermi qaffaassutiniit pisassinneqarnissamik qinnuteqarpoq, taakkualu tamakkerlugit Paamiuni aalisakkerivimmut tulaanneqarnissaat siunnertaraa.

Apeqqu 4.

Immikkut ittumik pissutissaqartoqarpa illoqarfiit pineqartut taakku marluk, qaleralinnik tisaanik tunisassiornermik tunuliaqanngitsunut agguaavigineqarnissai?

Akissut:

Royal Greenland A/S 100 %-mik tulaasaanik pisassinneqarnissamik qinnuteqarpoq pisassallu tamarmik Paamiuni nerpiiagassatut tulaanneqarnissaat siunertaavoq. Naalakkersuisullu Alisarnermi Inatsimmi § 10 naapertorlugu aamma Kangaatsiamut tulaassisoqarnissaa piumasaraat, kiisalu pisassiinermi piumasaqaatit arlallit ilanngunneqarput.

Apeqqu 5.

Illoqarfinni pineqartuni taakkunani atortorissaarutit pisariaqartinneqartut sulisoqarniarnermullu tunngassuteqartut naammattumik pigineqareerpat?

Akissut:

Qaleralinnik pisassiinermi anguniarneqarpoq ukioq naallugu atasussanik suliffissaqartitsinissaq, taamaasilluni illoqarfiup qanittuani aalisakkanik nioqqutissiassanik peqartinnagu qaleralinnik nioqqutissiornissaq ingerlanneqarsinnaanngorlugu. Naatsorsuutigineqarporlu piffinni pineqartuni patajaatsunik sulisussaqaarnissaa, annerusumillu maanna sulisorineqartut ukioq naallugu ingerlasunik suliffeqarnissaat naatsorsuutigineqarluni. Paamiunili naatsorsuutigineqarpoq suleqatissanik nutaanik sulisussarsinissaq. Paamiuni nerpiiianermi atortut pigineqareerput. Kangaatsianili qerititsiviup ilaneqarnissaa naatsorsuutigineqarpoq, suliarlu taanna aallartinneqareerpoq.

Apeqqu 6.

Qalerallit avataasiornermi aalisarnermi pisassiissutigineqartut tamarmiusut siunissami appariaateqassagalarpata maanna pisassiissutigineqartut qanoq pineqassappat?

- a. Aalisarnerup iluani aalisartitseqatigiit allat pisassiissuteqartut aamma tamatumani eqqornerlunneqassappat, tamatumani appaariartitsineq 2.000 tonsinik annikinnerussappat?

Akissut:

Nalinginnaasumik ingerlatsinermi pisassanik ikiliisoqassatillugu peqataasut assigiinngitsut akornini pisassat pisassiinermi agguaariaatsit naapertorlugit agguanneqartarput.

Apeqqu 7.

Inuiaqatigiit aningaasaqarnerannut sunniutaasinnaasut pillugit naatsorsuisoqarnikuua, tamatumani tulaassisussaataaermermik pisussaaffiliinerup pisassiissutinik atorluaanerpaasoqarneranik uppernarsineqarluni?

Akissut:

Qalerallit avataani pisarineqartartut taama amerlassusillit pisaassiissutigineqarnerini qulaajaalluni (sukuiaalluni) misissuisoqarnikuunngilaq. Naalackersuisut avataasiutitik pisassissarnerminni pingaartippaat tulaassisussaataitanerup nunami aalisakkanik nioqqutissiorfiit sulisoqarnissaasa qulakkeerneqarnissaat.

Ullumikkut avataasiorluni kinguppanniarnermi (raajarniarnermi), qaleralinniarnermi saarullinniarnermilu tulaassisussaataitaneq assigiinngitsunik piumasaqaatinik ilaqarpoq. Tulaassisussaataitaneq illoqarfimmut aalajangersimasumut atuussinnaavoq, imaluuniiit nunap immikkoortuinut aalajangersimasunut atuussinnaavoq aammali nuna tamakkerlugu atuussinnaalluni. Naalackersuisullu taamatut aaqqissuussineq pingaartutut isigaat, tassami Kalaallit Nunaanni nunap immikkoortuini illoqarfinnilu suliffissaqartitsiniarneq aalisarneq iluaqutigalugu sunniuteqarfingineqarsinnaammat.

Apeqqu 8.

Akileraarutitigut akitsuutitigullu qanoq annertugisumik Namminersorlutik Oqartus-sat/Kommunillu pissarsissappat aalisagartassiissutit pineqartut toqqaannartumik avammut tuniniarneqartuuppatta, taamaaqataanillu pisassiissutit taakku tulaanneqarlutik tisanearunik qanoq pissarsissutaatigissappat?

Akissut:

Qaleralinnik Paamiunut Kangaatsiamullu piviusumik tulaassuinissamut pilersarusiorner-mut tunngatillugu akileraarutitigut akitsuutitigullu piviusumik isertitarineqartussat sukumii-sumik, isertinneqarsinnaasutut naatsorsuutigineqartut kingullerpaat tunngavigalugit, misissorneqarsimangillat..


Apeqqu 9.

Paasivara Royal Greenlandip kilisaatissaasa sanaartorneqartut nutaat arlaat, arlariinnik aalisarsinnaassuseqartutut sananeqartoq, tassa raajanut qaleralinniarnissamullu naleqqussarlugu. Naalackersuisut suliffeqarfimmut Royal Greenland siumoortumik akuersissuteqarnikuuppat suliffeqarfiup aalisarsinnaassutsip (fiskerikapacitet-ip) malunnaatilimmik qaffassarsinnaagaat, naak tamakkuninnga nunatsinni aalisariutaatillit pisinnaasaat ullumikkut sippulimmik aalisarsinnaassuseqareeraluartut.

Akissut:

Royal Greenland A/S-ip kilisaataasa nutaat Kalaallillu Nunaanni aalisartitsiviit allat kilisaatitaavisa maanna kilisaataasut taarserpaat. Tamaattumillu kilisaatit amerlinerannik kinguneqartitsinngillat nutarterinerullutilli.

Ikinngutinnersumik inuulluaqqusillunga



Nikkulaat Jerimiassen  
Aalisarnermut, Piniarnermut Nunalerinermullu Naalackersuisoq